

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. III. Alia quædam de tertiâ Trinitatis personâ, ubi an Pater & Filius  
diligant se Spiritu S.

**urn:nbn:de:hbz:466:1-13718**

## An Pater & Filius diligant se Spiritu Sancto. Sect. III. 305

ad particulares tantummodo Episcopos & Clericos spectare, non ad Pontificem & Concilia, par enim in parem non habet potestatem.

### SECTIO TERTIA.

*Alia quedam de tertia Trinitatis Personâ: Vbi an Pater & Filius diligant se Spiritu Sancto.*

I. **P**RIMÒ h̄c recolendum, quod suprà Disp. 52. sect. 2. num. 8. insinuavi, spiritum Sanctum scilicet per se & essentialiter ad sui productionem petere duo supposita, seu duas Personas spirantes, ut contra Durandum & alios nonnullos communis assertit Th̄ologorum sententia. Ratio est, quia est amor mutuus Patris ac Filii, sequē instar nexus habet, & cujusdam inter eos vinculi.

II. **H**oc tamen non obstante, ut suprà etiam ostendimus, Pater & Filius respectu Spiritus Sancti sunt unus tantum spirator, ut expressè habetur, in Concilio Legdunensi & Florentino, ubi definitur Spiritum Sanctum à Patre & Filio procedere tanquam ab uno principio. Cujus ratio est, quia virtus spirativa, quæ importatur in recto, est omnino cadem in utroque. Ino & Relatio spirationis activa, per quam respiciunt Spiritum Sanctum, non est duæ partiales relationes, sed una simplex, quamvis à Paternitate & Filiatione realiter non distinguitur, cum Pater & Filius in ratione principii Tertiæ Personæ, inter se non opponantur, sed tantum cum Spiritu Sancto, & spiratione passivâ: quæ fusiū declarata sunt suprà, Disputatione 52. sectione tertia, numero præcipue sexto.

III. **V**quad secundum in titulo propositum, utrum scilicet Pater & Filius diligent se Spiritu Sancto, magna lis est inter Autores de quæstione mercè de nomine: in re enim omnes convenient, Spiritum Sanctum quoad notionale quod dicit, non esse propriè amorem, sicut nec Filius per relationem Filiationis formaliter intelligit, sed per intellectiōnem essentialē, omnibus tribus Personis communem.

IV. **D**ico itaque cum Suarez h̄c, libro undecimo, capite tertio, numero quinto, dictum hoc sumi debere specificatè, ut sensus sit, diligunt se amore, qui est Spiritus Sanctus, amore scilicet essentiali realiter cum Spiritu Sancto identificato, cīque à Patre & Filio per productionem communicato: sicut etiam hoc sensu dici posse videtur Patrem esse sapientem Sapientiā genitā, specificatè nimirum sumptu, ut sensus sit, esse sapientem sapientiā cum Filio realiter identificata: quamvis h̄c locutio non sit usurpanda.

V. **N**ulla verò auctoritas nos cogit ad dictum hoc in alio sensu intelligentum: hac enim verba, ut sonant, nempe Pater & Filius diligunt se Spiritu Sancto, nec in S. Augustino; nec ullo alio ex sanctis Patribus reperiuntur: solum enim lib. 6. de Trin. capite quinto, ait S. Augustinus Spiritum Sanctum esse amorem, quo genitus à gigante diligitur generatore, quem diligit; quæ verba optimè ferunt sensum, numero præcedente positum, de amore scilicet essentiali. Ino S. Augustinus negare potius videtur Patrem & Filium amare se Spiritu Sancto, notionaliter sumpto,

cum hanc propositionem *Pater est Sapiens Verbo*, seu sapientiā genitā, quam libro 83. Quæstionum, quæst. vigesima-tertiā, docuerat, postea libro 1. Retractionum, cap. 6. retractet; quæ tamen similis planè videtur huic, *Pater diligit amore producto*, seu Spiritu Sancto. Ex quibus à fortiori sequitur Patrem & Filium non hoc sensu amare creaturem.

Si quis tamen defendere velit, Patrem & Filium, non amore tantum essentiali, sed etiam notionaliter diligere se Spiritu Sancto, dicere poterit, eos in tantum hoc modo se Spiritu Sancto diligere, in quantum eum tanquam terminum, & veluti unionem inter se affectivam producent: qui enim amant, affectu inter se conjunguntur, sicut Pater & Filius Spiritu Sancto veluti termino à se per amorem producto uniuntur, adeoque non per dilectionem tantummodo, sed per terminum etiam dilectione productum conjunguntur: sicut duæ nature in Christo, non per unionem tantum hypostaticam, sed per ipsam subsistentiam Verbi inter se uniuntur. Hoc sensu Spiritum Sanctum vocant Patres, Patris & Filii vinculum, unitatem, & nexus per quem, non informativè, sed terminativè inter se conjunguntur.

Aliae dicti hujus explications *Pater & Filius diligunt se Spiritu Sancto*, videri possunt apud S. Thomam primā partē, quæstione trigesima-septimā, articulo secundo, & Richardum de Sancto Victore in Tractatu quodam de variis difficultib⁹ ad D. Bernardum. Dici tamen nullo modo debet, *Pater & Filius spirant se Spiritu Sancto*; ex communi enim usu & acceptione hujus vocis spiro denotaretur eos scipios producere, quod per vocem *diligo* non denotatur.

### SECTIO QUARTA.

*An si Spiritus Sanctus à Filio notio procederet, ab eo distingue- retur.*

**P**LURIMUM ad Græcorum errorem confundandū conducit h̄c quæstio: si enim ostenderimus, ipso factō quod Spiritus Sanctus à Filio non procedat, ab eo non distingendum, sequitur aperte falsam esse Græcorum sententiam, Spiritum Sanctum à Patre tantum, non à Filio procedere afferentum; ex hac quippe sequitur duas solummodō esse in divinis Personas, & consequenter destrui Trinitatem.

Tres hac de re diversa sunt Theologorū sententiae: Prima est Henrici Quodlib. quinto, Prima sententia affirmat eos distinguendos. Secunda, quam citius acriter defendit Scotus cum suis in primo, distinct. undecimā, quæst. 2. sententia est negativa.

Hi afferunt adhuc in h̄c casu Spiritum Sanctum à Filio distingendum.

Secunda, cīque communis sententia negat Spiritum Sanctum, hac positā suppositione, fore à Filio distinctum: ita S. Thomas 4. contra Gentes, capite 24. & hic, quæstione trigesima-sextā, articulo secundo, quem ejus discipuli sequuntur. Idem docet S. Bonaventura, Durandus & alii. Eandem sententian tenent nostri communiter, Molina, Valentia, Suarez, Vazquez, Tannr̄us, Arriaga, P. Vekenus h̄c, Disput. 37. cap. 3. & alii.